

藥品化義卷五

鴛洲賈所學九如輯著

趙郡李延是期叔補訂

脾藥

人參 屬純陽

有土與金

體微潤

色黃

氣香而清韻

味甘

帶苦者次之

性大溫

能升能降

力補脾益肺

性氣與味俱厚

入脾胃肺三經

人參產於遼左由地之陽在北受地陽氣不畏冰雪性大溫色淡黃原名黃參取其氣香而韻脾性最喜脾主生金兼能益肺又取味甘而純甘則補陽用補陽氣以固真元爲溫脾之聖藥也主治思慮過度勞傷心脾食後昏倦自汗惡寒久病胃弱四肢怕冷腸鳴作瀉小便頻短此係脾氣虛寒用此溫補脾陰又治勞役過度飲食不思怠惰嗜臥四肢不收精神困倦惡寒懶怯面黃肌瘦氣短虛煩此係



元氣下陷用此升陽益氣若遺精便濁久洩脾虛則元陽去而真氣散用此固氣使氣固則精不遺若瘡疾久則邪氣衰而元氣耗用此補氣使氣實則邪自去若痢疾久則積熱將盡而脾臟困極用此扶脾使腸胃俱健痢而能止若失血久而脈已虛則血將止而無所統用此補脾使脾氣旺則能統血血自歸經若痘瘡色白氣虛寒者用之爲宜色紅紫屬實熱者又須禁用若病後氣血兩虛此時幾微之血不能速生用參以領氣歸元血從氣附陽生陰長之謂也如血衰氣盛火爍真陰又宜戒之三伏間火令尅金人多氣虛故用生脈散補養肺氣雷公又云人參夏月少用恐發心痧之患蓋謂火令炎蒸流金爍石參性大溫必傷心氣是知參兼麥冬五味子則功多獨用則反增害也若脾胃熱實肺受火邪喘嗽痰盛陰虛勞怯失血初起胸膈痛悶噎膈便結有蟲有積皆不可用若二三月及四五月內鬱溫熱病初起悞用之如劍鋒相刺下咽即斃熱退愈後餘邪未盡服之必危

務宜慎之

山西襄垣縣古名上黨有紫圍山出人參久絕其種今惟遼左清河所產最良朝鮮者次之

黃芪

屬陽土有

體柔軟

色皮微黃肉帶白

氣和

味甘而淡

性溫能

升能降

力益氣固表

性氣溫厚而味薄

入脾肺三焦三經

黃芪皮黃入脾肉白走肺性溫能升陽味甘淡用蜜炒又能溫中主健脾故內傷氣虛少用以佐人參使補中益氣治脾虛泄瀉瘡痢日久吐衄腸血諸久失血後及痘瘡慘白主補肺故表疏衛虛多用以君人參使斂汗固表治自汗盜汗諸毒潰後收口生肌及諸痘瘡貫膿癰疽久不愈者從骨托毒而出必須鹽炒痘科虛不發者在表助氣為先又宜生用若氣有餘表邪旺腠理實三焦火動宜斷戒之至於中風手足不遂痰壅氣閉始終皆不加

莖出縣上細直柔軟故名縣莖



白茯苓 屬陽

有土金

體重而實 色白 氣和 味甘而淡 性平 能升能

降 力補脾肺 性氣薄而味厚 入脾肺腎膀胱四經

白茯苓字是俗訛傳史記及仙經皆名茯靈假松之真液而生受松之靈氣而結秉坤陰最厚味獨甘淡甘則能補淡則能滲甘淡屬土用補脾陰土旺生金兼益肺氣主治脾胃不和泄瀉腹脹胸脇逆氣憂思煩滿胎氣少安魂魄驚跳隔間痰氣蓋甘補則脾臟受益中氣既和則精液自生口焦舌乾煩渴亦解又治下部濕熱淋瀝水腫便溺黃赤腰臍不利停蓄邪水蓋淡滲則膀胱得養腎氣既旺則腰臍間血自利津道流行益肺於上源補脾於中部令脾肺之氣從上順下通調水道以輸膀胱故小便多而能止澀而能利惟痘瘡起脹時禁用恐滲瀉不能貫漿其赤茯苓淡赤微黃但不堪入肺若助脾行痰與白者同功因松種不一故分赤白原無白補赤瀉之分



擇堅實者佳
去粗皮用

白朮 屬陰中有陽 體微潤而重 色蒼白 氣微香 味微苦略辛

云甘

性微溫 能升能降 力健脾 性氣與味俱厚 入胃脾三焦三經

白朮味微苦略辛取其辛燥濕苦潤脾燥之潤之脾斯健旺蓋脾屬濕土土無水

澤不能滋潤非專宜燥經曰脾苦濕為太濕則困滯然過燥則乾裂此以辛燥脾

實以苦潤脾主治風寒濕痺胸膈痰痞噎氣吞酸惡心嘈雜霍亂嘔吐水腫脾虛

寒濕腹痛瘡疾胎產能使脾氣健運正氣勝而邪氣自却也且潤脾益胃為滋生

氣血痘瘡貫膿時助漿滿聖藥凡鬱結痞滯脹悶積聚喘喘壅塞胃痛由火癰疽

多膿黑瘦人氣實作脹皆宜忌用

取內乾白者佳油黑者勿用同陳壁土略炒毋太過借土氣以助脾或人乳製或餅上多蒸數遍

甘草 屬陽有 體實 色黃 氣和炙香 味甘甜 性生涼炙溫 能升能

藥品化義

脾藥

三

北京郁文

降 力生瀉火炙補脾 性氣薄而味厚 入脾胃肝三經

甘草色黃味甘屬土土居中央兼乎五行專入脾經取性氣緩緩可去急同熱藥用之緩其熱寒藥用之緩其寒使補不至於驟而瀉不至於迅有調和相協之意故稱曰國老生用涼而瀉火主散表邪消癰腫利咽痛解百藥毒除胃積積去痰管痛此甘涼除熱之力也炙用溫而補中主胆虛滑瀉胃虛口渴寒熱咳嗽氣短困倦勞役虛損此甘溫助脾之功也但味厚而太甜補藥中不宜多用恐戀膈不思食也如心肺火盛痢疾初起中滿腫脹氣鬱嘔吐併嗜酒者均宜遠此

堅實中條者佳粗大者解毒消腫入六一散用最細者不堪用海藻大戟芫花甘遂相反同用害人

芡實 屬陽 有土與金水 體乾 鮮潤 色乾白 鮮玉色 氣和 味甘 性乾溫 鮮涼 能

浮能沉 力健脾 性氣薄而味厚 入脾胃肝三經

芡實從純陰時生長成實於夏令受純陽而凝結本得陽實之氣多然生於水澤



間有地水比和之義故味甘平而性和緩所謂清中濁品專健脾陰主治泄瀉嘔吐水腫小便不禁遺精白濁女人帶下小兒疳積久瀉久痢久瘡久嗽諸症無不奏功但力緩務宜多用則效

白扁豆 屬陽 體乾鮮潤 色白帶微黃 氣乾和 味甘 性溫 能升能降

力醒脾和胃 性氣與味俱清和 入脾胃肺三經

扁豆味甘平而不甜氣清香而不竄性溫而而色微黃與脾性最合主治霍亂嘔吐腸鳴泄瀉炎天暑氣酒毒傷胃為和中益氣佳品又取其色白氣味清和獨受清中之清用清肺氣故云清以養肺肺清則順下行通利大腸能化清降濁善療腸紅久瀉清氣下陷者此腑虛補臟之法也

俗名羊眼豆有數種擇壳肉俱白者佳能解一切草木河豚毒用兩許煎湯服即藤蔓煎服亦效

薏米 云仁 屬陽 有土 體乾 色白 氣和 味甘 性乾溫 能沉 力補



脾 性氣薄而味厚 入脾胃肺三經

薏米味甘氣和清中濁品能健脾陰大益腸胃主治脾虛泄瀉致成水腫風濕筋
緩致成手足無力不能屈伸蓋因濕勝則土敗土勝則氣復腫自消而力自生取
其色白入肺滋養化源用治上焦消渴肺癰腸癰又取其味厚沉下培植下部用
治脚氣腫痛腸紅崩漏若咳血久而食少者假以氣和力緩倍用無不神效但孕
婦忌之

取白色者佳黃色者油氣者不堪用

神麴 屬陽 體乾 色白炒微黃 氣炒香 味微甘 性溫 能升能降

力消米穀 性氣與味俱厚 入脾胃二經

神麴味甘炒香香能醒脾甘能治胃以此平胃氣理中焦用治脾虛難運霍亂吐
逆寒濕泄瀉孕婦胎動搶心下血不止若生用力勝主消米穀食積痰滯癥結胸

滿瘡痞小兒腹堅皆能奏績

造神麴法取六月六日為諸神聚會之辰故名神麴一日白虎白麴十斤一日青龍赤耳草自然汁三合一曰滕蛇野麥草自然汁四合一曰朱雀赤小豆三合煮熟去皮搗爛和麴一處勻作餅

大麥芽

屬陽

體輕

色黃

氣炒香

味甘

云鹹非

性溫

能升

能降

散米麴

性氣與味俱薄

入脾胃二經

大麥芽為五穀之長甘溫入脾以此發芽取其體輕性銳輕可去實銳能消散炒

香開胃以除煩悶生用力猛主消麥麴食積癥瘕氣結胸膈脹滿鬱結痰涎小兒

傷乳又能止上焦滯血若女人氣血壯盛產後無兒食乳乳房脹痛丹溪用此二

兩炒香搗去皮為末分作四服立消其性氣之銳散血行氣迅速如此勿輕視之

凡痰火哮喘及孕婦切不可用

山查

屬陰中有微陽

體乾

色赤

氣和

味酸帶甘性平

能升能降



力消肉食 性氣薄而味厚 入脾肝二經

書局代印

山查古方罕用自朱丹溪始著其功後遂為要藥取其味酸屬甲帶甘屬乙
相合甲已化土以此入脾助其運化主消牲肉食積油膩腥羶菓實痰飲痞滿
脹飽悶吞酸小兒乳滯又因酸走肝甘藏血能化血塊用治崩漏腸紅產後惡露
不盡兒枕作痛更善行痘瘡血滯使血活起發止痛解毒始末俱用同蓬朮三稜
攻一切積塊自能化散抑且色類於血諸失血後氣血兩虧以此佐人參疏理肝
脾最為良品

傷生涼瓜菓用乾薑青皮合二陳湯去寒○傷素食豆腐油膩乾薑半夏合平
胃散燥濕○胃有邪熱不殺穀用芩連合神曲麥芽除熱○傷素粉食積用杏
仁○傷魚
蟹用紫蘇

車前子 屬陽中有陰 體輕細煎汁稠濁而滑 色黑帶紫 氣和 味淡云

皆非 性平 云寒 能降 力滲熱 性氣薄而味濃 入脾肝膀胱三經



車前子子主下降味淡入脾滲熱下行又因汁濁濁陰走下竅汁濁而滑滑能養
竅故入膀胱能行水而不動真氣主治痰濁熱瀉胸膈煩熱週身濕痺蓋水道利
則清濁分脾斯健矣取其味淡濁滑滑可去暑淡能滲熱入肝經又治暴赤眼
痛淚出腦疼翳癰障目及尿管澀痛遺精溺血癰閉淋瀝下疳便毒男子陽痿腫
脹或出膿水女人陰癰作痛或發腫癢凡此俱屬肝熱導熱下行則濁自清矣

略炒去壳用治橫生逆產炒熱
爲未調服二錢不順再服必效

木通

屬陰中有微陽

體輕而通

色黃

氣和

味苦重微辛

云甘
淡非

性涼

能降

力通氣導赤

性氣輕清而味厚

入脾心小腸膀胱四經

木通體質鬆通通可去滯味苦能降帶辛能散取其色黃用入脾經導脾胃積熱
下行主治火瀉熱瀉蓋爲利小腸火鬱行膀胱水閉使水火分則脾氣自實也又
能去黃疸之濕解諸毒熱癰開耳聾出聲音通臭塞行經下乳催產利胎分消痞

滿導除氣惱皆藉其通經利竅之力也且心移熱於小腸而臟病由腑結腑通則臟安凡爲驚病由心氣鬱及嗜臥心煩者以此直徹下行古人立方心火爲邪用木通導赤肺火爲邪用桑皮瀉白良有深意也

擇色黃而體中條者佳
色黑而粗大者不堪用

澤瀉 屬陰 體乾 色白 氣和 味微鹹略苦 云甘 酸非 性平 云寒 非 能降

力利水 性氣薄而味稍厚 入脾胃腎小腸膀胱五經

澤瀉色白微苦入肺味鹹以利膀胱凡屬瀉病小水必短數以此清潤肺氣通調水道下輸膀胱主治水瀉濕瀉使大便秘實則肺氣自健也因能利水道令邪水去則真水得養故消渴能止又能除濕熱通淋瀝分消痞滿逐三焦蓄熱停水此爲利水第一良品金爲腎水之母故云水出高原此能引肺氣從上順下如雨露之膏澤故名澤瀉所以六味丸中同茯苓山藥補肺金導引於上源降下而生腎



水用療精泄退陰汗去虛煩又有熟地山茱丹皮補肝木以生心火上下相生陰陽交互取易理地天泰水火既濟之義如斯元妙非達造化之微者孰能製此良方味者悞爲泄腎減之若小便不通而口渴者熱在上焦氣分宜用澤瀉茯苓以清肺氣滋水之上源也如口不渴者熱在下焦血分則用知母黃柏以瀉膀胱之水之下源也須分別而用

取白色者佳黃油色者勿用易蛀用柴灰拌藏之

猪苓

屬陽

體乾

色肉白皮黑

氣和

味淡

云微苦非

性平

云燥非

能降

力淡滲

性氣與味輕厚

入脾膀胱二經

猪苓味淡淡主於滲入脾以通水道用治水瀉濕瀉通淋除濕消水腫療黃疸獨此爲最捷故云與琥珀同功但不能爲主劑助補藥以實脾領泄藥以理脾佐溫藥以煖脾同涼藥以清脾凡脾虛甚者恐泄元氣慎之

車前木通茯苓澤瀉四品不專利水亦通氣藥又不專主脾經但實脾以利水為先因列於此凡利水道治在上焦使水上行非下部藥也特為拈出

蓮肉

屬陽

有土水與火

體乾鮮潤

色乾肉淡黃衣赤心青

氣香

味肉甘衣澀

心苦

性平

能浮能沉

力補脾

性氣與味俱厚

入脾胃二經

蓮肉生於水澤長於夏令凝純陽而結得天陽地陰浹洽之氣稟性和平成清

之質用之去皮主醒脾和胃益肺厚腸養精神補元氣利耳目長肌肉止脾瀉瀉

痢後宜倍用之若蓮衣色類於血味澁能斂諸失血後佐參以補脾陰使統血歸

經妙甚

附荷葉

荷葉中央空虛象震卦之體其色青其形輕類於風木其味苦其性涼其品清與

膽腑清淨之性合用此以佐膽氣如嗽久者肺金火熾尅伐肝膽用小荷錢入煎

劑治之真良法也雖取其氣香香益脾氣開胃和中易老製枳朮用荷葉煮飯為



丸滋養脾胃然其義深遠不專主脾蓋飲食入胃藉少陽膽氣升發脾能運化若脾胃虛因膽氣弱不得升上雖用此治脾實資少陽生發之氣東垣至晚年始悟此理以爲神奇余特拈出以便世用

桂圓肉

屬陽

有土火與水

體潤

色熟紫

鮮淡黃

氣熟香

味甘

性溫

能沉

力補血

性氣與味俱厚

入肝心脾三經

桂圓味甘而鮮氣香而和用入脾經功勝於棗色紫類血體潤味厚大補陰血凡上部失血之後入歸脾湯同蓮肉芡實以補脾陰使脾旺統血歸經如神思勞倦心經血少以此助生地麥冬補養心血又筋骨過勞肝臟空虛以此佐熟地當歸滋補肝血但甘甜味火亦能作痛若心肺火盛中滿嘔吐及氣膈鬱結皆宜忌用

圓菓多種獨桂圓味甘而鮮餘者不堪用痘後產後老年及脾虛不可多啖以體翻故也

人參主補脾爲生氣助陽之品



黃芪主助脾爲固氣實表之品

茯苓主健脾爲養氣益肺之品

白朮主潤脾爲助氣除溼之品

甘草主緩脾爲和氣溫中之品

芡實主實脾爲益氣助胃之品

扁豆主醒脾爲順氣和胃之品

薏米主佐脾爲抑氣舒筋之品

神麴主平胃爲解麴散結之品

山楂主疏胃爲消肉導滯之品

麥芽主開胃爲解麴散結之品

車前主養竅爲痰瀉熱瀉之品



木通主通氣治熱瀉火瀉之品

澤瀉主導水治虛瀉腎瀉之品

豬苓主利脾治水瀉溼瀉之品

蓮肉主啟脾爲養胃厚腸之品

桂圓主滋脾爲益血生津之品

